



SIPA uhapsila Bosanca i Srbijanca Spriječeno krijumčarenje oružja u zemlje Evropske unije

Pripadnici Državne agencije za istrage i zaštitu (SIPA) prekučer su u poslijepodnevnim satima uhapsili dvije osobe, od kojih je jedna i državljanin Srbije, a druga državljanin BiH. Izvršili su pretrese na dvije lokacije.

Hapšenja i pretresi ob-

jekata provedeni su prema naredbama Suda BiH i Tužilaštva BiH zbog sumnje da su uhapšeni počinili neovlašteni promet oružjem i vojnom opremom. Prilikom pretresa, pronađene su i privremeno oduzete dvije automatske puške, sa dva okvira i

pripadajućom municijom, namijenjeni za krijumčarenje u zemlje Evropske unije.

Oni će, nakon kriminalističke obrade u prostorijama SIPA-e, biti predati nadležnom tužiocu Tužilaštva BiH na daljnje postupanje.